



# СЛУЖБЕНИ НОВИНИ

## АВТОНОМНЕЙ ПОКРАЇНИ ВОЙВОДИНИ

„Службени новини АПВ“ виходза, по потреби, на шейсц язикох: сербским, мадярским, словацким, румунским, руским и горватским. - Рукописи ше не враца – Оглашки по тарифи	Нови Сад 5. май 2023. Число 19 Рок LXXIV	Рочна предплата 11.880 динари - Термин за рекламациї 15 днї. - Редакция и администрация: Нови Сад, Войводи Мишича 1 ISSN 0353-8419 COBISS.SR-ID 10640140 Email: sl.listapv@magyarszo.rs
--	--	---

## ОБЩА ЧЛАСЦ

555.

На основи члена 26. пасус 2. и 4. и члена 35. и 36. пасус 2. Покраїнскей скупштинскей одлуки о Покраїнскей владі («Службени новини АПВ», число 37/14),

Покраїнска влада, на схадзки хтора отримана 5. мая 2023. року, п р и н е с л а

### ОДЛУКУ О ФОРМОВАНЮ РОБОТНЕЙ ГРУПИ ЗА ВИРОБОК ПРЕДЛОГУ АКТА О КЛАСИФИКАЦИЈІ ДОКУМЕНТАРНОГО МАТЕРИЈАЛУ ЗОЗ ТЕРМИНАМИ ЧУВАНЯ

#### Член 1.

Формуе ше Роботну групу за виробок предлогу акта о класификацији документарного материялу зоз терминами чуваня (у дальшим тексту: Роботна група), як почасове роботне цело.

#### Член 2.

До Роботней групи менуе ше:

- За председателя Роботней групи:
  - Александар Пеїн, Покраїнски секретариат за финансии.
- За членох Роботней групи:
  - Новка Ковачевич, Покраїнски секретариат за финансии;
  - Тияна Павлов, Покраїнски секретариат за образование, предписаня, управу и национални меншини – национални заедниці;
  - Татяна Стоянов, Покраїнски секретариат за образование, предписаня, управу и национални меншини – национални заедниці;
  - Дияна Катона, Покраїнски секретариат за образование, предписаня, управу и национални меншини – национални заедниці;
  - Милица Ивкович, Управа за заеднички работи покраїнских органаох;

- Бранкица Божич, Управа за заеднички работи покраїнских органаох;
- Милена Попович Субич, Архив Войводини;
- Ліляна Дозич, Архив Войводини и
- Нада Берич, Архив Войводини.

#### Член 3.

Задаток Роботней групи:

- пририхтац и доручиц Покраїнскей владі предлог акта о класификацији документарного материялу зоз терминами чуваня;
- сотрудвоац зоз шицкима покраїнским секретариятами, окременима управними организациями, управами и службами хтори снуе Покраїнска влада, але и другима органами, организациями и службами, пре обезпечоване информациейох од значносци за виробок акта зоз алинеї 1. того члена;
- предлозиц приношене и других актох, кед утврдзи же окрем акта з алинеї 1. того члена, потребне принесц и други акти у обласци архивованя документох.

#### Член 4.

Термин за виробок предлогу акта то 15.6.2023. року.

#### Член 5.

Фахово и административни работи за потреби Роботней групи окончуе Управа за заеднички работи покраїнских органаох.

#### Член 6.

Тота одлука ступа на моц осми дзень по обявйованю у «Службених новинох Автономней покраїни Войводини».

### ПОКРАЇНСКА ВЛАДА

127 Число: 02-56/2023  
Нови Сад, 5. мая 2023. року

ПРЕДСИДАТЕЛЬ  
Покраїнскей владі,  
Игор Мирович, с.р.

**556.**

На основи члена 16, 24, и 33. Покраїнської скупштинської одлуки о покраїнській управі («Службени новини АПВ», число 37/14 и 54/14 – др. одлука, 37/15, 29/17, 24/19, 66/20 и 38/21), члена 11. и 23. пасус 4. Покраїнської скупштинської одлуки о бюджету АП Войводини за 2023. рок («Службени новини АПВ», число 54/22), у вязи зоз Законом о стимуляциох у польопривреди и руралним розвою («Службени глашнік РС», число 10/13, 142/14, 103/15 и 101/16), Покраїнску скупштинску одлуку о Програми потримовки за запровадзоване польопривредней политики за розвой валалу и политики рурального розвою за територію Автономней покраїни Войводини у 2023. року («Службени новини АПВ», число 54/22) и Правилніком о запровадзованю конкурсох хтори розписує Покраїнски секретариат за польопривреду, водопривреду и лесарство («Службени новини АПВ», число 8/23), покраїнски секретар за польопривреду, водопривреду и лесарство, приноши

**ПРАВИЛНІК  
ЗА ДОДЗЕЛЬОВАНЄ СТИМУЛЮЮЩИХ СРЕДСТВОХ  
ЗА ЗЛЄПШАНЄ СТАТКАРСКЕЙ ПРОДУКЦІЇ  
НА ПОЛЬОПРИВРЕДНИХ ГАЗДОВСТВОХ И  
ЕКОНОМСКЕЙ АКТИВНОСТИ З ЦИЛЬОМ ДЗВИГАНЯ  
КОНКУРЕНТНОСТИ У СМИСЛУ ДОДАВАНЯ  
ВРЕДНОСТИ ПРЕЗ ПЕРЕРОБОК МЛЕКА И МЕСА НА  
ГАЗДОВСТВОХ У АП ВОЙВОДИНИ У 2023. РОКУ**

**Общи одредби****Член 1.**

Зоз Правилніком за додзельоване стимулюющих средствох за злєпшане статкарскей продукції на польопривредних газдовствох и економскей активности з циљом дзвиганя конкурентности у смислу додаваня вредности през преробок млека и мяса на газдовствох у АП Войводини у 2023. року (у дальшим тексту: Правилнік), предписує ше висину и способ додзельованя средствох, намену средствох, поступок додзельованя средствох, критериуми за додзельоване средствох и други питаня хтори значни за конкурс зоз Програми мирох потримовки за запровадзоване польопривредней политики за розвой валалу на території Автономней покраїни Войводини у 2023. року (у дальшим тексту: Програма), хтора состоїна часц Покраїнської скупштинської одлуки о Програми мирох потримовки за запровадзоване польопривредней политики за розвой валалу на тери-

торії Автономней покраїни Войводини у 2023. року («Службени новини АПВ», число 54/2022), на хтору согласносц дало Министерство польопривреди, лесарства и водопривреди, число: 320-40-08601/2022-09 од 7.12.2022. року.

Програму зоз пасуса 1. того члена прилапела Скупштина Автономней покраїни Войводини, а Покраїнски секретариат за польопривреду, водопривреду и лесарство (у дальшим тексту: Покраїнски секретариат) задлужени за єї реализацию.

**Висина и способ додзельованя безповратних средствох****Член 2.**

За реализацию конкурса предвидзена вкупна сума 15.000.000,00 динари.

Средства зоз пасуса 1. того члена ше будзе додзельовац преї конкурс хтори ше обяви у «Службених новинох АП Войводини» и у єдних дньових новинох зоз хторима Покраїнски секретариат ма заключени контракт о обявлюваню актох, як и на интернет-боку Покраїнского секретариату (у дальшим тексту: Конкурс).

Конкурс отворени по 29.5.2023. року.

Безповратни средства за потримовку инвестициох по тим конкурсу ше утвердзує у суми 70% вкупней вредности инвестиції.

При обрахунку, бере ше вредносц инвестиції без порції на дату вредносц (ПДВ).

Максимална сума безповратних средствох по єдней прияви не може буц векша як 2.000.000,00 динари.

Минимална сума безповратних средствох по єдней прияви виноши 200.000,00 динари.

При розпатраню поднешених приявох за витворйоване безповратних средствох, будзе ше припознавац лем инвестиції хтори реализовани по 1.1.2023. року.

**Наменка безповратних средствох****Член 3.**

Софинансовац ше будзе тоти инвестиції:

**Сектор Млеко:**

Шифра	Назва инвестиції
304.5.1.1	Набавка опреми за бране прикладнікох, прием, преробок, полнене и паковане млека и продуктох з млека
304.5.1.2	Набавка опреми за чисцене, умиване и дезинфекцию (стерилизацию) обектох, опреми, алату, пошореньох и машинох, уключуюци и опрему за гардеробу и санитарни просторії
304.5.1.3	Набавка лабораторийней опреми (без скленяного прибора) за интерне хасноване, як часци прерабляцкого погону

**Сектор Месо:**

304.5.2.1	Набавка опреми за омамйоване, клане и обробок трупох
304.5.2.2	Набавка опреми за зберане, прием, чуване/магазиноване (хладзене), одстраньоване и преробок другорядних продуктох животиньского походзєня хтори не за костигане людзох
304.5.2.3	Набавка опреми и пошореньох за резане, обробок, преробок, паковане и означоване мяса и нарезаного мяса, полупродуктох з мяса, машински сепарованого мяса и продуктох з мяса
304.5.2.4	Набавка опреми и пошореньох за хладзене, пастеризацию и стерилизацию мяса и продуктох з мяса
304.5.2.5	Набавка лабораторийней опреми (без скленяного прибора) за интерне хасноване, як часци прерабляцкого погону
304.5.2.6	Набавка опреми за чисцене, умиване и дезинфекцию (стерилизацию) обектох, опреми, алату, пошореньох и машинох, уключуюци и опрему за гардеробу и санитарни просторії

Подношитель прияви може поднесц лем єдну прияву по конкурсу и за єдну файту продукції (преробок мяса або преробок млека).

Безповратни средства хтори ше додзелюе зоз Програми не мож хасновац за:

- порції, учинлюючи и порцию на додату вредности;
- плачене преїг компензаций и цесий;
- царински, увозни и инши файти административних таксох, надопнення за потреби согласности од державних институцийох и явних подприємствох;
- обток медзи повязанима особами;
- пенезни, финансийни кари и трошки парничного поступку,
- трошки банкарскей провизий;
- трошки гаранций и подобни надопнення;
- трошки премераньох и геодетних зніманьох;
- трошки за куповане половней опреми и материялох;
- трошки перевозеня, монтажи опреми и други оперативни трошки;
- доприноси у натури.

### Право участвованя на Конкурсу

#### Член 4.

Право на стимуляції витворюю особи хтори уписани до Регистру польопривредних газдовствох и хтори маю активни статус, и то:

1. подніматель ношитель регистрованного комерциялногo фамелийного польопривредного газдовства;
2. правна особа:
  - привредне дружтво ношитель регистрованного комерциялногo польопривредного газдовства,
  - земледілка задруга ношитель регистрованного комерциялногo польопривредного газдовства,
  - зложена задруга ношитель регистрованного комерциялногo польопривредного газдовства.

### Условия за участвованє на Конкурсу

#### Член 5.

1. Подношитель прияви муши буц уписани до Регистру привредних газдовствох и мац активни статус;
2. Подношитель прияви муши мац шедзиско на території єдинки локалней самоуправи у АП Войводины, з тим же и место реализацийи инвестицийи муши буц на території єдинки локалней самоуправи у АП Войводины;
3. Кед вещей подношители прияви з истей адреси места биваня, прилапоє ше лем єдну прияву;
4. Подношитель прияви муши регуловац обовязки по ришенюх о надопненюх за одводньованє/наводньованє хтори досцигли по 31.12. 2022. року;
5. Подношитель прияви муши регуловац досцигнути порційни обовязки од компетентного органу єдинки локалней самоуправи, хтори досцигли по 31.12.2022. року;
6. Подношитель прияви муши вимириц досцигнути обовязки по контрактох о аренди польопривредней жеми у державней власности, заключно зоз 31.12.2022. року, кед же ю хаснує;
7. Подношитель прияви за инвестицию за хтору подноши вимаганє не шме хасновац стимуляції по даякей другой основни (субвенцийи, стимуляцийи, донацийи) за исту наменку, односно иста инвестиция не шме буц предмет другого поступку за хаснованє стимуляцийох, окрем стимуляцийох у складзе зоз окремним предписаньом зоз яким ше ушорює кредитну потримовку регистрованим польопривредним газдовством;
8. Подношитель прияви не шме витворйовац пенезни позички од добавяча од хторого набавя инвестицию хтора предмет стимуляцийи;
9. Подношитель прияви не шме мац невыполнени и нерегуловани контрактно обовязки, як и по судскей драги за остатні 3 роки наплачени обовязки спрам Покраїнского секретариату за польопривреду, водопривреду и лесарство, на основни скореї подписаних контрактох;
10. Подношитель прияви и добавяч опреми не могу буц повязани особи – у смислу члена 62. Закона о привредних дружтвох («Службени глашнік РС»), число 36/11 и 99/11 и 83/14, 5/15,

44/2018, 95/2018, 91/2019 и 109/2021);

11. Подношитель прияви – подніматель и правна особа муша буц регистровани у Агенцийи за привредни регистри;
12. Спрам подношителя прияви – правней особи не шме буц порушани поступок предликвидацийи и/або ликвидацийи;
13. Подношитель прияви – правна особа муши буц класована до микро и малей правней особи, у складзе зоз законом з яким ше ушорює рахунководство;
14. Задруги муша мац окончену задружну ревизию;
15. Инвестицию хтора предмет вимаганя за витворйованє права на стимуляції реализує у обекту хтори хаснує на основни права власности або на основни права закупу, односно уступйованя на хаснованє без надопнення, на найменей шейсц роки, починаючи од календарского року за хтори ше подноши вимаганє за витворйованє права на стимуляції;
16. **ОДОБРЕНИ ОБСКТ**, у складзе зоз Правилніком о менших количествах примарних продуктох хтори ше хаснує за подмириованє трошителюх, подручу за окончованє тих діялносцох як и одступаня хтори ше одноша на мали субекти у ділованю зоз поживу животиньского походженя («Службени глашнік РС», число 111/17) або муша буц регистровани у Регистре обектох у складзе зоз Законом о ветеринарстве («Службени глашнік РС», число 91/2005, 30/2010, 93/12 и 17/19 и др.).

### Специфични условия за участвованє на конкурсу

#### Член 6.

На концу инвестицийи, а пред виплацованьом средствох, хаснователь муши выполніц специфични условия:

- **за преробок млека:**
- Хаснователе хтори на концу инвестицийи маю дньови капацитет назбераного млека до 2.999 литри.
- **за преробок мяса:**
- У случаю клальнюх, прилапліви хаснователе з максималним капацитетом до: 9 говеда або 49 швини або 49 овци и кози, або 499 пульки або гуски або 4.999 живини дньово на концу инвестицийи;
- У случаю построєнюх за резанє и/або преробок, прилапліви хаснователе то подприємства з максималним капацитетом резаня або преробку до 499 kg дньово на концу инвестицийи.

### Потребна документация

#### Член 7.

1. Читко выполнени формулар прияви;
2. фотокопию особней легитимацийи або одчитану чиповану особну легитимацию ношителя регистрованного польопривредного газдовства або овласценой особи у правней особи;
3. оверени Вывод з Регистру польопривредних газдовствох хтори выдава компетентни орган (податки о польопривредним газдовстве, перши бок Выводу як и други боки выводу хтори не старши як 30 днї);
4. доказ о регулованим надопненю за одводньованє/наводньованє (потвердженє ЯВП «Води Войводины») хторе досцигнуто по 31.12.2022. року за подношителя прияви;
5. доказ о вимирених досцигнутих порційних обовязкох по 31.12.2022. рок за подношителя прияви (хтори видал компетентни орган єдинки локалней самоуправи места биваня, односно шедзиска подношителя прияви, як и компетентного органа локалней самоуправи дзе ше находзи предметна инвестиция, кед же ше предметна инвестиция находзи на території другой локалней самоуправи, у АПВ);
6. доказ о вимирених досцигнутих обовязкох за аренду польопривредней жеми у державней власности (потвердженє компетентного органа, або фотокопию контракту з Министерством польопривреди, лесарства и водопривреди и доказ о оконченем плаценю).
7. за инвестицийи хтори векши як 300.000,00 динари:
  - мож поднесц предрахунок зоз провадзацим актом добавяча

- у хторим будзе виказана сума без ПДВ, сума ПДВ и сума з ПДВ поединечно за каждую ставку и вкупно и спецификация опреми хтора облапя основни характеристики;
- вияву добавяча же годзен випоручиц предмети инвестициї зоз предрахунку по 15. октобер 2023. року;
8. за инвестициї хтори реализовани доручує ше:
    - фискални рахунок або фактуру (за добавячох предавальні на велько) зоз провадзацим актом добавяча у хторим будзе виказана сума без ПДВ, сума ПДВ и сума з ПДВ, поединечно за каждую ставку и вкупно и спецификацию опреми хтора облапя основни характеристики опреми и серийне число опреми (предрахунок и рахунок муша буц исти по питаню предмету инвестициї);
  9. одпосилни лісток за набавку предметней инвестициї;
  10. доказ о оконченим плаценю предметней инвестициї и то вывод хтори оверела банка хаснователя средствох и добавяча опреми, а у случаю кед плацене з готовим пенезжом або карточку, мож доручиц лем фискални вирезок за суму до 300.000,00;
  11. фотокопию контракту о кредиту, кед ше предметну инвестицию набавело преїг кредиту;
  12. фотокопию гарантного лістку за опрему за хтору тото предвидзене з важацима предписанями;
  13. единствени царински документ (кед подношитель прияви директни увожник) – не старши як 1.1.2023. року;
  14. фотокопию дипломи о здобутим образованию;
  15. кед же є член задруги – доручиц потвердзене о членству;
  16. кед подношитель сертифициовани – доручиц фотокопию сертификатох за органску продукцию або сертификат о захищенем географским походзеню;
  17. доказ о власніцтве обекту або оверену фотокопию контракту о закупе обекту у хторим ше реализує инвестицию хтора предмет того конкурсу кед є не власник обекту – хтори не може буц кратши як шейсц роки рахуюци од календарского року за хтори ше подноши вимагане за хасноване стимуляцийох;
  18. на початку або на концу инвестициї а пред виплацованьом, Ришене о ОДОБРЕНИМ ОБЕКТУ у складзе зоз Правилнїком о малих количествах примарних продуктох хтори ше хаснує за подмирийоване трошительох, подручу за окончоване тих діялносцох як и одступаня хтори ше одноша на мали субекти у ділованю зоз поживу животиньского походзеня («Службени глашник РС», число 111/17) або муша буц регистровани у Регистре обектох у складзе зоз Законом о ветеринарстве («Службени глашник РС», число 91/2005, 30/2010, 93/12 и 17/19 и др.);
  19. вывод з Агенциї за привредни регистри, з порційним идентификаційним числом;
  20. потвердзене Агенциї за привредни регистри о тим же над правну особу не порушани поступок предликвидациї и/або ликвидациї;
  21. вывод зоз финансійного звиту на хторим видно же правна особа класована до микро або малей правней особи, у складзе зоз Законом о рахунководстве («Службени глашник РС», число 73/2019);
  22. за задруги потвердзене овласценого Ревизийного союзу же задруга ділує у складзе зоз Законом о задругох, при чим ше потвердзене выдава на основи коначного звиту о оконченой задружней ревизії, не старшей як два роки.

Подношитель прияви ше ма вияшніц на формуларе, хтори состоїна часц прияви, о тим чи наведзена документацию под

точками 4, 5, 6, обезпечи сам, чи Покраїнски секретариат по службеной длужносци од компетентних органах обезпечи податки о фактох о яких ше водзи службену евиденцию, у складзе зоз законом з яким ше ушорює общи управни поступок.

Кед ше опрему набавя з иноземства, подношитель прияви ма обовязку доручиц документи преложени на сербски язык, хтори преложел овласцени судски толмач. Кед рахунок/предрахунок виказани у странскей валути, необходне до формулару прияви унесц вредноц инвестициї у динарскей проциввредносци, хтора обрахована по штретнім курсу НБС, на дзень выдаваня рахунку/предрахунку.

Комисия затримує право, окрем наведзених, питац и други документи. Поступок приношеня одлуки у складзе з Діловнїком.

### Способ подношеня прияви

#### Член 8.

Прияву зоз потребу документацию мож доручиц:

- по пошти на адресу органа;
- особне Писарніци покраїнских органах управи або
- на електронски способ – AgroSens платформа.

Упутство о способе подношеня електронскей прияви и електронскей комуникациї медзи органом и подношителем прияви состоїна часц того правилнїка и обявене є на интернет-боку органа.

### Поступанє з неподполнима приявами

#### Член 9.

За подношительох неподполних приявох, Покраїнски секретариат по службеной длужносци од компетентних органах обезпечує податки о фактох о яких ше водзи службену евиденцию у складзе зоз законом з яким ше ушорює общи управни поступок, а за другу документацию ше их повола дополніц ю у чаше осем (8) дньох по доставаню поволанки.

Кед подношителье неподполних приявох у чаше з предходного пасуса не дополня документацию, прияву ше одруци як неподполну.

Прияви хтори дополнени ше будзе розпатрац аж по доручованю документациї яка вимагана зоз поволанку зоз пасуса 1. того члена. Комисия не будзе розпатрац:

- неблагочасни прияви,
- недошлєбодзени прияви,
- прияви хтори поднесли неовласцени особи.

### Критериюми за додзельованє безповратних средствох

#### Член 10.

Комисия дава предкладане за додзельованє безповратних средствох на основи поднешеной документациї и критериюмох:

ПЧ	Тип критериюму за вибор	Гей/не	Боди
1.	Власноц пошеду – польопривредна жем и обекти хтори ше хаснуе – у власноци	гей	20
2.	Власноц пошеду – польопривредна жем и обекти хтори ше хаснуе – у закупе (под аренду)	гей	10
3.	Власноц пошеду – польопривредна жем и обекти хтори ше хаснуе – уступене на хасноване без надополнења	гей	0
4.	Датум першей регистрації РПП – вецей як 3 роки	гей	5
5.	Датум першей регистрації РПП – вецей як 3 роки	не	0
6.	Потерашне хасноване средствох Покраїнского секретариату за польопривреду, водопривреду и лесарство – перши раз	гей	10
7.	Потерашне хасноване средствох Покраїнского секретариату за польопривреду, водопривреду и лесарство – перши раз	не	0
8.	Хаснователь задруга або член задруги	гей	10
9.	Хаснователь задруга або член задруги	не	0
10.	Хаснователь сертифициовани за органску продукцию и/або продукуе сировину або готови продукт з географским походзеньом	гей	10
11.	Хаснователь сертифициовани за органску продукцию и/або продукуе сировину або готови продукт з географским походзеньом	не	0
12.	оцена отримуююцосци инвестиції – висока	гей	30
13.	оцена отримуююцосци инвестиції – штредня	гей	20
14.	оцена отримуююцосци инвестиції – нїзка	гей	10
15.	Польопривредне газдовство ше находзи на подручу з очежанима условиями роботи	гей	5
16.	Польопривредне газдовство ше находзи на подручу з очежанима условиями роботи	не	0
17.	Ступень розвитосци општтини – над републичним просеком	гей	5
18.	Ступень розвитосци општтини – од 80 по 100% републичного просеку	гей	10
19.	Ступень розвитосци општтини – од 60 по 80% републичного просеку	гей	15
20.	Ступень розвитосци општтини – спод 60% републичного просеку	гей	20
21.	Число членох газдовства – вецей як 2	гей	15
22.	Число членох газдовства – 2 члени	гей	10
23.	Число членох газдовства – меней як 2	гей	5
24.	Число занятих у правней особи менше як 2	гей	5
25.	Число занятих у правней особи 2-5	гей	10
26.	Число занятих у правней особи вецей як 5	гей	15
27.	Подношитель вимагания жена (снователь правней особи жена)	гей	5
28.	Подношитель вимагания жена (снователь правней особи жена)	не	0
29.	Подношитель вимагания (снователь правней особи) особа младша як 40 роки	гей	10
30.	Подношитель вимагания (снователь правней особи) особа младша як 40 роки	не	0
31.	Место биваня – город	гей	0
32.	Место биваня – општина	гей	10
33.	Место биваня – други населени места	гей	20
34.	Роботна активносц – занїма ше лем з польопривреду	гей	30
35.	Роботна активносц – занїма ше з польопривреду вецей як 50%	гей	10
36.	Роботна активносц – занїма ше з польопривреду меней як 50%	гей	0
37.	Поднешена документация комплетна	гей	10
38.	Поднешена документация комплетна	не	0
39.	Конкуруе преїг рахунку	гей	10
40.	Конкуруе преїг рахунку	не	0
41.	Образоване подношителя прияви – польопривредни, ветеринарски и технологийни факултет	гей	10
42.	Образоване подношителя прияви – штредня польопривредна школа, ветеринарски технїчар	гей	5
43.	Подношитель прияви ма хасновательни налог на дигиталней платформи Agrosens	не	0
44.	Подношитель прияви ма хасновательни налог на дигиталней платформи Agrosens	гей	10
45.	Контракт розтаргнути з подношителюм прияви у предходних 5 рокох – одступел од реализації инвестиції пред подписаньом контракту	гей	-5
46.	Подношитель прияви у предходних 5 рокох одступел од реализації инвестиції по подписаню контракту	гей	-10

У складзе з критериюмами яки дефиновани зоз Правилником, формуе ше бодовну лістину на основи хторей ше додзелюе безповратни средства.

## Одлучованс о додзельованю средствох

### Член 11.

Комисия за розпатране прияхох (у дальшим тексту: Комисия), хтору меновал покраїнски секретар, розпатра поднешени прияви и приноси записнік зоз предкладаньом Одлуки о додзельованю средствох.

Комисия утвердзуе лістину подношительох прияхох хтори выполню условия на основе дорученей документациі, у складзе з критериюмами яки дефиновани у Конкурсу и Правилніку и формуе лістину бодованя на основе хторей ше додзелюе безповратни средства, по утרוшок средствох яки опредзелени з Конкурсом.

До записніку ше уноши:

- вкупне число поднешених прияхох з приказом вимаганих средствох,
- прилапльви прияви з приказом бодох и сумох,
- неприлапльви прияви класовани по причинах неприлапльвосци.

Источашне зоз записніком, Комисия приноси и предлог Одлуки о додзельованю средствох.

Зоз предлогом Одлуки о додзельованю средствох ше утвердзуе поєдинечни суми средствох по подношительови прияви хторому одобрени средства и способ бодованя, а подношительом прияхох хторим средства не одобрени ше наводзи причини одбиваня або одручованя.

Покраїнски секретарият затримуе право од подношителя прияви питац додатну документацию, як и од польопривредней инспекції Министерства польопривреди, лесарства и водопривреди вимагац контролю реализациі предмета контракту, окреме у случаю рахункох и предрахункох хтори видали добавяче опреми хтори не у системи ПДВ и рахункох хтори значно над тарговищну вредносцу.

### Член 12.

Одлуку о додзельованю средствох приноси покраїнски секретар, на основе предкладаня Комисії за запровадзоване конкурса.

Одлуку ше обявюе на урядовим интернет-боку Покраїнского секретарияту: [www.psp.vojvodina.gov.rs](http://www.psp.vojvodina.gov.rs).

## Посдинечни ришения

### Член 13.

На основе одлуки о додзельованю средствох хтору принесол покраїнски секретар, Комисия за запровадзоване конкурса состава, а покраїнски секретар приноси Ришене з обгрунтованьом и поуку о правним средству за подношительох прияхох хторим прияви одбити або одручени.

## Право на жалбу

### Член 14.

Незадовольни подношитель прияви ма право на жалбу, у складзе зоз законом.

Жалбу ше уклада Покраїнскей влади, преїг Покраїнского секретарияту, у чаше 15 дньох по доручованю поєдинечного ришения.

О жалби ше одлучуе у поступку яки предписани зоз Законом о общим управним поступку.

## Вименки одлуки

### Член 15.

Комисия предложит вименку и дополнене Одлуки о розподзельованю средствох на основе прилапених жалбох або кед подно-

шители прияхох одступя од реализациі инвестициі, розтаргнуца або анексованя заключених контрактах, а кед прецені же иснуе можлівосц реализациі контракту под час бюджетного року и утвердзи подношительох прияхох хторим ше одобрюе нерозпоредзени средства, по рядошлїду з бодовней лістини.

## Контракт о додзельованю средствох

### Член 16.

По приношеню Одлуки о додзельованю безповратних средствох, покраїнски секретар, у мено Покраїнского секретарияту, заключуе контракт о додзельованю средствох зоз хасновательом, з яким ше регулуе права и обовязки контрактованих бокох.

Хаснователь средствох ма обовязку при подписованю контракту зоз Покраїнским секретариятом о хаснованю средствох – доручиц векслу з векслову вияву, а за поднїмательох – регистровану векслу з векслову вияву як средство обезпеченя же не одцудзи опрему 5 роки.

Термин за реализацию инвестициі то 31.10.2023. року.

## Виплацованс безповратних средствох

### Член 17.

Безповратни средства ше виплачуе по реализациі инвестициі, односно после того як цо хаснователь безповратних средствох монтируе опрему и доручи Секретарияту тоту документацию:

- вимагане за виплацоване зоз звітом о наменковим трошеню средствох;
- фискални рахунок або фактуру (за добавячих предавальні на велько) зоз провадзацим актом добавяча у хторим виказана сума без ПДВ, сума ПДВ и сума з ПДВ, поєдинечно за каждую ставку и вкупно и спецификацию опреми хтора облапя основни характеристики опреми (предрахунок и рахунок муша буц исти по питаню предмету инвестициі);
- одпосилни лісток за набавку предметней инвестициі за хтору, у складзе з окременима предписанями, утвердзена обовязка видаваня одпосилного лістку;
- доказ о оконченем плаценю предметней инвестициі и то вывод з банки за хаснователя средствох и добавяча, хтори оверела банка, а кед особа плацела з готовим пенезом або з карточку, мож доручиц лем фискални вирезок на суму до 300.000,00 динари;
- фотокопию контракту о кредиту, кед ше предметну инвестицию набавело преїг кредиту;
- фотокопию гарантного лістку за опрему за хтору тоту предвидзене з важащими предписанями;
- єдинствени царински документ (кед подношитель прияви директни увознік) – не старши як 1.1.2023. року;
- оригинални вывод з Регистру польопривредних газдовствох хтори выдава компетентни орган (податки о польопривредним газдовстве, перши бок виводу як и други боки виводу з податками о поверхносцох и чишле животиных, не старши як 30 дні).

Покраїнски секретарият затримуе право од подношителя прияви питац додатну документацию. Тиж так, Покраїнски секретарият, од польопривредней инспекції Министерства польопривреди, лесарства и водопривреди, може вимагац же би ше окончело контролю реализациі предмету контракту, а насампредз у случаю рахункох и предрахункох хтори видали добавяче не у системи ПДВ и рахункох хтори значно над тарговищну вредносцу.

У моменту виплацованя средствох на рахунок поднїмателя и правней особи, не шму буц у блокади.

Поступок приношеня одлуки, критериюми и други питаня у вязи зоз конкурсом, предписани зоз Правилніком.

Плацене ше муши окончиц на чечуци рахунок добавяча або

з готовим пенсжом, а плацене преїг компензациї и цесиї ше не припозна. Покраїнски секретарият наложи компетентней Польопривредней фаховей и совтодавней служби окончиц увид до фактового стану (закончуюцу контролю) на терену, з доручованьом звиту и записніка Покраїнскому секретарияту.

Плацене чия сума векша як 1.000.000,00 динари з ПДВ ше муши окончиц на чечуци рахунок добавяча.

Безповратни средства ше будзе виплацовац у складзе з приливом средствох до бюджету АП Войводини.

#### **Обовязки хасновательох средствох**

##### **Член 18.**

Хаснователь безповратних средствох по конкурсу длужен:

1. рухому ствар, односно нерухомосц хтора предмет инвестициї за хтору витворел стимулациї, хасновац у складзе зоз предвидзену наменку;
2. рухому ствар, односно нерухомосц хтора предмет инвестициї за хтору витворел стимулациї, не одцудзиц и/або не давац другой особи на хасноване найменей пейц роки по виплацованю стимулациї;
3. минимално пейц роки по виплацованю стимулациї занїмац ше зоз продукцию за хтору одобрени стимулюючи средства;
4. шицку документацию хтора у вязи з инвестицию чувац найменей пейц роки по виплацованю стимулацийох.

Хаснователь средствох по конкурсу за хторого ше утвердзи же не поступал у складзе з одредбами конкурса и контракту, хаснователь хтори Покраїнскому секретарияту онсможлївел окончиц контролю, односно хаснователь хтори доручовал неточни податки, длужен вращиц прияту суму безповратних средствох з припадаюцу законску зацагуую камату хтору ше обраховує од дня виплацованя безповратних средствох по дзень вращаня средствох.

#### **Провадзєнє вивершеня контракту**

##### **Член 19.**

Административну контролу, односно виполненосц обовязкох з контракту провадзи и контролує ресорни сектор Покраїнского секретарияту.

Стан на терену ше проверює пейц (5) роки по преношеню средствох, преїг звитох Польопривредней фаховей и совтодавней служби АП Войводини з терену або з теренску контролу (позрядови мониторинг).

#### **Закончуюци одредби**

##### **Член 20.**

Правилнїк ступа на моц по обявйованю у «Службених новинох АП Войводини».

#### **ПОКРАЇНСКИ СЕКРЕТАРИЯТ ЗА ПОЛЬОПРИВРЕДУ, ВОДОПРИВРЕДУ И ЛЕСАРСТВО**

Число: 104-401-1533/2023-03  
У Новим Садзе, 27.4.2023. року

ПОКРАЇНСКИ СЕКРЕТАР,  
Владимир Галич, с.р.

## **557.**

На основи члена 79. пасус 3. и 4. Закона о дзивини и ловстве («Службени глашнїк РС», число 18/10 и 95/2018 – др. закон), члена 11. и 23. пасус 3. Покраїнскей скупштинскей одлуки о бюджету АП Войводини за 2023. рок («Службени новини АПВ», число 54/22), член 16. и 33. Покраїнскей скупштинскей одлуки о покраїнскей управи («Службени новини АП Войводини», число 37/2014, 54/2014 – др. одлука, 37/2014, 37/2016, 66/2020 и 38/2017), а у вязи зоз Покраїнску скупштинску одлуку о Рочней програми хаснованя средствох з Бюджетного фонду за розвой ловства Автономней покраїни Войводини у 2023. року («Службени новини АП Войводини», число 54/22) и члена 16, Правилнїком о запровадзованю конкурсох хтори розписує покраїнски секретарият за польопривреду, водопривреду и лесарство («Службени новини АПВ», число 8/2023), Покраїнски секретарият за польопривреду, водопривреду и лесарство (у дальшим тексте: Покраїнски секретарият), приноши

#### **ПРАВИЛНІК**

#### **О ВИМЕНКИ ПРАВИЛНІКА ЗА РОЗПОДЗЕЛЬОВАНЄ СРЕДСТВОХ З БУДЖЕТНОГО ФОНДУ ЗА РОЗВОЙ ЛОВСТВА АП ВОЙВОДИНИ ЗА 2023. РОК**

##### **Член 1.**

У Правилнїку за розподзельованє средствох з Бюджетного фонду за розвой ловства АП Войводини за 2023. рок («Службени новини АПВ», число 18/2023) у члену 3. точка 2 «Софинансованє набавки опреми за хасновательох ловискох у АП Войводини, до 90%», подточку 2.д ше меня и вон глаши:

« – месалатов зоз защиту од води и замуцованя, одпорносцу на нїзки температури, у суми до 80.000,00 динари по єдним месалатове, або месалатов з далїнским мераньом зоз защиту од води и замуцованя, одпорносцу на нїзки температури, у суми до 250.000,00 динари, найвещей єден з обидвох файтох месалатовох по ловиску;»

##### **Член 2.**

Правилнїк о вименки Правилнїка за розподзельованє средствох з Бюджетного фонду за розвой ловства АП Войводини за 2023. рок ступа на моц по обявйованю у «Службених новинох Автономней покраїни Войводини».

#### **ПОКРАЇНСКИ СЕКРЕТАРИЯТ ЗА ПОЛЬОПРИВРЕДУ, ВОДОПРИВРЕДУ И ЛЕСАРСТВО**

Дїл. число: 104-401-389/2023-08-2  
Дня: 3.5.2023. року

ПОКРАЇНСКИ СЕКРЕТАР,  
Владимир Галич, с.р.

#### **Надпомнуче:**

У тих «Службених новинох АПВ» ше не обявює Окремну часц, у складзе зоз членом 5. пасус 2. Покраїнскей скупштинскей одлуки о обявйованю предписаньох и других актох («Службени новини АПВ», число 54/14, 29/17 и 12/18).

## З М И С Т

Редни број	Предмет	Страна	Редни број	Предмет	Страна
<b>ОБЩА ЧАСЦ</b>					
<b>ПОКРАЊСКА ВЛАДА</b>					
555.	Одлука о формовану Роботней групи за виробок предлогу акта о класификації документарного материялу зоз терминами чуваня.	1601	568.	Ришене о розришеню члена Надпатраючого одбору Заводу за культуру войводянских Мадярох;	
<b>ПОКРАЊНСКИ СЕКРЕТАРИЯТ ЗА ПОЛЬОПРИВРЕДУ, ВОДОПРИВРЕДУ И ЛЕСАРСТВО</b>					
556.	Правилнїк за додзельоване стимулюющих средствох за злешане статкарскей продукції на польопривредних газдовствох и економскей активносци з цильом дзвиганя конкурентносци у смислу додаваня вредносци през преробок млека и мяса на газдовствох у АП Войводини у 2023. року;	1602	569.	Ришене о менованю члена Надпатраючого одбору Заводу за культуру войводянских Мадярох;	
557.	Правилнїк о вименки Правилнїка за розподзельоване средствох з Бюджетного фонду за розвой ловства АП Войводини за 2023. рок.	1607	570.	Ришене о хаснованю средствох чечуцей бюджетней резерви, число: 401-84/2023-65.	
<b>ОКРЕМНА ЧАСЦ</b>					
<b>ПОКРАЊСКА ВЛАДА</b>					
558.	Ришене о даваню согласносци на Одлуку о розподзельованю прибутку Розвойней агенції Войводини д.о.о Нови Сад за 2022. рок;		<b>ПОКРАЊНСКИ СЕКРЕТАРИЯТ ЗА ОБРАЗОВАНЄ, ПРЕДПИСАНЯ, УПРАВУ И НАЦИОНАЛНИ МЕНШИНИ – НАЦИОНАЛНИ ЗАСДНІЦИ</b>		
559.	Ришене о даваню согласносци на Закончюци рахунок Заводу за культуру войводянских Горватах за 2022. рок;		571.	Ришене о одобреню видац и хасновац преклад учебнїка Дигитални швет 3, учебнїка за трецу класу основней школи, хтори написани словацким языку и писме.	
560.	Ришене о даваню согласносци на Закончюци рахунок Заводу за культуру войводянских Румунох за 2022. рок;		<b>ОГЛАСНА ЧАСЦ</b>		
561.	Ришене о даваню согласносци на Закончюци рахунок Заводу за культуру войводянских Мадярох за 2022. рок;		<b>ПОКРАЊНСКИ СЕКРЕТАРИЯТ ЗА ОБРАЗОВАНЄ, ПРЕДПИСАНЯ, УПРАВУ И НАЦИОНАЛНИ МЕНШИНИ – НАЦИОНАЛНИ ЗАСДНІЦИ</b>		
562.	Ришене о преставаню длужносци директора Городскей библиотеки «Карло Биелицки» зоз Зомбора;		572.	Явни конкурс за организоване едукативно-рекреативного кампу школярох штреднїх школох.	
563.	Ришене о менованю директора Городскей библиотеки «Карло Биелицки» зоз Зомбора;		<b>ПОКРАЊНСКИ СЕКРЕТАРИЯТ ЗА ПОЛЬОПРИВРЕДУ, ВОДОПРИВРЕДУ И ЛЕСАРСТВО</b>		
564.	Ришене о розришеню члена Управного одбору Общого шпиталу «Дьорде Йоанович», Зренянин;		573.	Конкурс додзельоване стимулюющих средствох за злешане статкарскей продукції на польопривредних газдовствох и економскей активносци з цильом дзвиганя конкурентносци у смислу додаваня вредносци през преробок млека и мяса на газдовствох у АП Войводини у 2023. року;	
565.	Ришене о менованю члена Управного одбору Общого шпиталу «Дьорде Йоанович», Зренянин;		574.	Одлука о вименки Конкурса за розподзельоване средствох з Бюджетного фонду за розвой ловства АП Войводини за 2023. рок.	
566.	Ришене о менованю члена Управного одбору Музею Войводини, Нови Сад;		<b>ПОКРАЊНСКИ СЕКРЕТАРИЯТ ЗА ПРИВРЕДУ И ТУРИЗЕМ</b>		
567.	Ришене о розришеню председателя Надпатраючого одбору Дому здравя «Др Душан Савич Дода» у Беочину;		575.	Явни конкурс за за финансване запровадзованя явних роботох на території АП Войводини у 2023. року;	
			576.	Явна поволанка за додзельоване субвенцийох за самозаняце у АП Войводини у 2023. року;	
			577.	Явна поволанка за финансване фаховей пракси.	

**ОГЛАСИШОВАНЄ СТРАЦЕНИХ ДОКУМЕНТОХ ЗА НЄВАЖАЦИ: 300 динари**

Уплацоване на рахунок ч. 340-15329-18/поволанка на ч. 13/Д.о.о. Мадяр Со Кфт. Нови Сад, Войводи Мишича ч. 1  
Текст оглашки, з потвердзеньом о уплацованю (прикладнїк або фотокопию уплатнїци) послаца на адресу:  
„Службени новини АПВ” Д.о.о. Мадяр Со Кфт, Войводи Мишича ч. 1, Нови Сад

Видаватель: Покраїнски секретариат за образование, предписаня, управу и национални меншини – национални заєднїци

Одвичательни редактор: Дияна Катона Тел. 021- 487 44 27.

Друкую: Д.о.о. Мадяр Со Кфт. Друкарня ФОРУМ, Войводи Мишича ч. 1, Нови Сад, Телефони; Редакция 064 805 5142,  
Служба предплати: 021 557 304, Одделене за оглашки: 021 456 832, е-маил: sl.listarv@magyarszo.rs